

MISA CON NENOS

14 de maio de 2017 - PASCUA 5-A

Xoán 14, 1-12: Eu son o camiño e a verdade e a vida.

Mensaxe: Deus Pai en min e eu en vós.

Póñome nas túas mans, MÓVEME!



**Deus Pai en min e eu en
vós.**

**Póñome nas túas
mans, MÓVEME!**

1. ACOLLIDA

*Irmáns e irmás: Sede todos benvidos a esta eucaristía do 5º Domingo de Pascua. No medio do atafego dos quefaceres e traballos semanais Xesús dinos hoxe: "**non perdades a calma: crede en Deus e en min**". E para acentuar a razón que temos para non perder a calma, malia as dúbidas ou dificultades, insístenos: "**eu son o camiño, a verdade e a vida**".*

O Tempo de Pascua vai transcorrendo e nós sabemos tamén que esperamos o Espírito Santo. O día de Pentecoste, xa non moi afastado, recibiremos o que o Resucitado nos envía: Aquel que nolo ensinará todo. E ante iso iniciemos, pois, con gran ledicia a nosa celebración.

-No nome do Pai ... O Señor que resucitou de entre os mortos, sexa convosco.

*(Podemos destacar un unha mochila cun adhesivo de Xesús e unha frase: "**eu son o camiño, a verdade e a vida**").*

2. PERDÓN ou ASPERSIÓN *(Se non se fai a aspersion)*

Pidamos perdón a Deus polas nosas dúbidas e pecados:

-Ti dixeches "eu son o camiño". Polas veces que non seguimos as túas pegadas, dicímosche: **Señor, ten piedade!**

-Ti afirmaches "eu son a verdade". Polos nosos erros e polas nosas mentiras, rogámosche: **Cristo, ten piedade!**

-Ti dixeches "eu son a vida". Polas veces que preferimos a falsidade e o pecado, pedímosche: **Señor, ten piedade!**
Que Deus, noso Pai, nos purifique do pecado e nos faga dignos de participar desta Eucaristía.

3. PALABRA DE DEUS

LECTURAS

FEITOS 6, 1-7.

Elixiron sete homes cheos do Espírito Santo.

SALMO 32:

Que a túa misericordia, Señor, veña sobre nós, como o esperamos de ti.

I PEDRO 2, 4-9:

Vós, en cambio, sodes unha liñaxe elixida, un sacerdocio real.

XOÁN 14,1-12: *Eu son o camiño e a verdade e a vida.*

Narrador: Naquel tempo, díxolles Xesús aos seus discípulos:

Xesús: -«*Non se turbe o voso corazón, crede en Deus e crede tamén en min. Na casa de meu Pai hai moitas moradas; se non, diríavolo, porque vou prepararvos un lugar. Cando vaia e vos prepare un lugar, volverei e levareivos comigo, para que onde estou eu esteades tamén vós. E onde eu vou, xa sabedes o camiño*».

Narrador: Tomé díxolle:

Tomé: -«*Señor, non sabemos onde vas, como podemos saber o camiño?*».

Narrador: Xesús respondeulle:

Xesús: -«**Eu son o camiño e a verdade e a vida.** *Ninguén vai ao Pai senón por min. Se me coñecédes a min, coñeceríades tamén o meu Pai. Agora xa o coñecedes e vístelo*».

Narrador: Díxolle Filipe:

Filipe: -«*Señor, móstranos o Pai e abóndanos*».

Narrador: Xesús replícalle:

Xesús: -«*Hai tanto que estou convosco, e non me coñeces, Filipe? Quen me viu a min viu o Pai. Como dis ti: “Móstranos o Pai”? Non cres que eu estou no Pai, e o Pai en min? O que eu vos digo non o falo por conta propia. O Pai, que permanece en min, el mesmo fai as obras. Crédeme: **eu estou no Pai e o Pai está en min.** Se non, crede as obras. En verdade, en verdade vos digo: o que cre en min, tamén el fará as obras que eu fago, e aínda maiores, porque eu me vou ao Pai*».

Palabra do Señor.

(Narrador – Xesús – Tomé - Filipe).

4. ORACIÓN DA COMUNIDADE

(Sacerdote): Presentemos ao Señor as nosas súplicas, dicindo: -

- *Escóitanos, Señor.*

1. **Polo Papa Francisco.** Para que o Espírito Santo o asista e o encha de esperanza e de amor. **Oremos.**

2. **Por todos os cristiáns.** Para que Cristo sexa o Camiño, o centro e fundamento do que somos e creemos. **Oremos.**

3. **Por todos os que menten e maquillan a verdade.** Para que construamos un mundo baseado na Verdade que é Cristo. **Oremos.**

4. **Por todos os que sementan a morte,** polos países en guerra, polos que non atopan sentido á vida. Para que mirando ao ceo defendamos a Vida sobre a morte. **Oremos.**

5. **Por todos os que pensan que poden solucionar os males do mundo.** Para que sexan máis humildes. Para que non esquezan que Deus nos guía e espera con amor a mirada de todos os homes e mulleres. **Oremos.**



(Sacerdote:) Por XCNS.

5. PRESENTACIÓN DOS DONS

-MAPA, LINTERNA E BOCADILLO:

-Imaxinámonos que imos facer unha camiñada, toca sendeirismo este fin de semana. O profesor indicounos que preparemos a mochila e nela que non falten tres cousas moi importantes para o percorrido:

-**O mapa de estradas** o GPS para saber por onde temos que camiñar e os lugares aos que queremos chegar.

-**Una lanterna** para ver cando está escuro e non correr perigo, desviarnos o facernos danos.

-**Un bocadillo** para repoñer forzas e así chegar á meta.

Xesús, non queremos apartarnos do teu lado, guía a nosa vida cada día. Ti es o Camiño (ensínase o mapa), a Verdade (a lanterna) e o alimento para a Vida (bocadillo).

-PAN E VINO:

Recoñecéronte ao partir o pan. Ti dixeches: “Facede isto en memoria miña”.

Presentámosche o pan e o viño que pola forza do Espírito Santo na consagración se fai presente Xesús cada domingo na eucaristía. Axúdanos a valorala máis.

Posible acción de grazas

*Grazas porque segues vivo hoxe:
Es o noso Camiño, Verdade e Vida.*

Grazas, Grazas, Xesús, ti estás sempre ao noso lado e camiñas connosco na dificultade e nas alegrías. Conectados a ti, todo será mellor, porque es para nós Camiño, Verdade e Vida.

Ti indícasnos o **camiño** a seguir, o camiño do Pai, o camiño do evanxeo, o camiño do amor e do perdón. Contigo aprendemos que só hai un camiño para ser felices: Ti.

Ti Xesús, es a **Verdade**, a verdade que nos fai libres de tantas escravitudes e de tanta mentira.

Ti Xesús, es a **Vida** plena, a vida que dura para sempre, a vida da graza que alimentamos na oración e na eucaristía.

Xesús, es **o máis importante** que me pasou, o GPS que nos guía, o imán que nos atrae cara á verdadeira vida. Si confío en ti xamais quedarei defraudado pois es un amigo fiel. Que nunca che falle e que viva sempre conectado a ti.

RED CATEQUISTAS GALICIA

Domingo V de Pascua - Ciclo A

DIOS EN MÍ
Y
YO EN
VOSOTROS



por si puede ser útil...

RED CATEQUESIS GALICIA

